

蓮宗寶鑑

風陵文庫

文庫19

F 223

3



廬山蓮宗寶鑑卷七

東林蓮宗善法祖堂勸修淨業臣僧普度謹編

念佛正願篇第七

念佛正願說下具
六章

理由智導。行由願興。行願得均。理智兼備。理智兼備則心心念念。總是彌陀。刹刹塵塵。皆爲淨土。自非大願行力。曷能臻此哉。欲人人證此三昧者。要在信願深其根本也。夫願者樂也。欲也。欲生西方淨土。樂見阿彌陀佛。故發此願。是以憑大願力。直要到彼也。所以慈照云。時時發願。樂慕往生。日日禱祈。勿令退失。

如無願心。則善根沈沒。華嚴經云。不發大願。是爲魔事。所以普賢廣無邊願海。彌陀有六八願門。是知十方諸佛。上古先賢。皆因願力。而得成就菩提。不與願樂之心。不成願樂之行。故云法門廣大。無願不成。是以佛隨人之心。滿人之願。何況專修念佛。願生淨土。安得不遂心滿願哉。懺云。願我不退菩提心。願我決定生安養。願我速見彌陀佛。願我盡生無別念。惟心淨土。獨相隨。又阿彌陀經云。若有信者。應當發願。願生彼國。又懺云。衆生無邊。誓願度。煩惱無盡。誓願斷。法門無量。誓願學。佛道無上。誓願成。此則謂之四弘

誓願。故我慈照集懺。恐人着事迷理。乃云自性衆生。誓願度。自性煩惱。誓願斷。自性法門。誓願學。自性佛道。誓願成。此四句直明真理。欲令一切人於自性中。度了一切妄念。衆生。所謂邪迷雜想。貪癡嫉妬。嗔怒惡毒等心。故令發大誓願。自性自度也。又於自性中。斷除一切煩惱。所謂塵勞業識。邪思惡念。猶如浮雲。障覆自性光明。不現。故令發大誓願。自斷除之。永不令起。又自性中。修學一切法門。所謂念佛三昧。悲智行願。無量法門。故令發大誓願。自悟自修。常無退失。直至菩提。不以得少爲足。又於自性中。自信有佛。

發大誓願。常自觀照。自願成佛菩提。此乃慈照老婆心切。明明與後人開了一箇門戶。只要你諸人。自信自肯。從這裏入頭。悟自性彌陀。達惟心淨土。入諸佛境界。成就無上菩提。嗟乎。世之善人。不知此意向外別求。何異持神珠而巡乞也。可不惑乎。普願見聞。遞相勸策。同興正念。早上玄途。覺前前非。明後後位。立大志氣。奮大勇猛。發大誓願。誓度無邊衆生。誓斷無盡煩惱。誓學無量法門。誓願往生西方極樂世界。見阿彌陀佛。誓同一切善人。圓成無上佛道。可謂不得春風花不開。花榮須感春風力。

勸發大願

正願

慈照云。有行無願。其行必孤。有願無行。其願必虛。無行無願。空住閻浮。有行有願。直入無爲。此乃佛祖修淨業之根本也。備觀今時信人。皈依佛會。或爲病苦而發心。或爲報親而舉意。或爲保扶家宅。或爲怖罪持齋。雖有信心。而無行願。雖云念佛。不達本根。凡修善緣。皆爲了還心願。罕有爲自己生死發願念佛求生淨土者。往往香燭道場。祝願回向之辭。皆是表獻神明。消災延壽而已。故與經懺本意相違。不合諸佛本願。縱使一生修誦。不明理趣。錯用工夫。是謂終日

數他寶。自無半錢分也。臨終所以不得往生淨土者。蓋無行願故也。又有一等癡人。投佛受戒。乃於三寶前焚香誓願云。我若破戒。甘當惡病纏身。永墮地獄。或言左眼出血。右眼出膿。自肯自甘。類官司之執結。多見有口無心。破齋犯戒。自願受報。痛苦奚堪。甘心墮落之門。自取喪身之兆。殊不知佛祖興慈運悲。何嘗教人如此。皆是邪師過謬。錯將罰咒以爲發願耳。何惑之甚哉。予嘗憫念。勸令同發正願。求生淨土。願同作佛。彼則曰。我是凡夫。豈敢望生淨土。要作佛耶。我有此心。又成妄想。予應之曰。不然。善知識。佛是覺

也。淨土是心也。此心誰不有之。覺卽佛也。迷則衆生也。世人背覺合塵。輪迴三界。四生六道。善惡業緣。受報好醜。皆因妄認四大爲我身。六塵爲實有。隨入幻境。日夜流轉。未嘗暫省回光。從生至老。惟憂家緣不辦。財不稱心。愈多愈求。愈貪不足。雖曰積善奉佛。禮拜作福。燒香。只願富貴榮華。長生不死。纔做些小好事。便有伏願數般。要保穀米盈倉。蠶絲倍萬。子孫光顯。牛馬孳生。纔有一不如意。便怨佛不保全。日日財喜增添。始道天龍感應。如此貪謀。正是妄想。自不知覺。卻言念佛求生淨土之說。作妄想者。豈不大顛倒。

蓮宗寶鑑卷七
乎。凡曰作福。盡屬有爲。蓋世間有漏之因。非出世無爲之道。修行佛子。宜善思惟。今日有緣。得逢佛法。當須究本。莫競枝條。一念回光。修出世法。願捨娑婆。願生淨土。亦如久客。在於他鄉。思欲歸於故里也。此願生淨土。願作佛之心。豈可比同凡夫妄想哉。豈不見懺中云。願我臨欲命終時。盡除一切諸障礙。面見彼佛阿彌陀。卽得往生安樂刹者是也。可謂一朝踏着來時路。始覺從前錯用心。

慈照宗主示念佛發願偈并序

正願

彌陀節要云。念佛之人。最急一事。不善相應。何以故。

雖云持戒念佛。不曾發心。願生淨土。皆是埋頭過日。自失善利。大凡念佛。先要發心。欲超生死。往生淨土。須以大願。自爲主意。常須念佛。早晚專心。禮拜彌陀。如朝帝主。兩不失時。日近日親。心口與佛相應。去佛不遠。口念心想。心願見佛。發深重願。決信無疑。日久歲深。工夫純熟。自然三昧成就。臨命終時。彌陀接引。淨土現前。更願現生之內。常遇善知識。不值邪見師。無惑我心。不生懈怠。若也如此念佛。深信發願。是信行願。三不虧也。臨終見佛。卽非外來。盡是惟心顯現。猶如種子在地。逢春發生。豈是外來。皆從地出也。今

之修行亦爾。念佛信願。納在八識心地。臨終發現。淨土彌陀。即非外來。皆從自心出也。偈云

萬法從心生 萬法從心滅 我佛大沙門

常作如是說 持戒無信願 不得生淨土

唯得人天福 福盡受輪迴 展轉難脫離

看經無慧眼 不識佛深意 後世得聰明

亂心難出離 不如念佛好 現世無名利

行坐不多羅 則是阿彌陀 發願持戒律

回向生樂國 正是合行持 千中不失一

釋迦金口說 彌陀親攝受 諸佛皆護念

諸天善護持 見此念佛人 與佛不相遠

應當坐道場 轉於大法輪 普度無邊眾

譬如貧家女 腹孕轉輪王 諸天常愛護

貧女自不知 腹中有貴子 今此念佛人

其意亦如是 憶佛常念佛 不久當成佛

諸佛善護持 其人自不知 我當生淨土

卻要來後世 再得生人中 譬如貧人家

地內有伏藏 藏神常守護 不令其有失

貧人自不知 家內有寶藏 逐日趁客作

求衣食自濟 今此念佛人 其意亦如是

不知念佛人 具足如來藏 自說我無分
返要生人中 譬如病人家 自有真妙藥
不知妙藥性 不能自治病 每日床枕邊
痛苦受無量 今此念佛人 其意亦如是
不知念佛心 能滅貪瞋病 能爲大醫王
能爲大寶藏 利濟一切人 能爲大法王
覆護一切衆 將爲是凡夫 不得生淨土
且自持齋戒 後世願爲人 展轉更修行
方可生彼國 多見修行人 常作如是說
不稱彌陀願 不合淨土經 邪見障覆心

畢竟難出離 非是他人障 皆是自障心
今世不得生 一蹉是百蹉 勸汝修行人
信我如來說 佛無不實語 豈是虛誑言
但當自精勤 一心求淨土 因風吹於火
用力不消多 幸有念佛心 回願超三界
逢寶不取寶 遇食受饑寒 咄哉大丈夫
不見真實意 我今畧勸讚 展轉傳與人
代我廣流通 作於如來使 眞是諸佛子
眞名報佛恩 普願如說行 同生極樂國
求生淨土要在發願 正願
三

通宗寶鑑卷十
七
智度論第八卷問曰。諸菩薩行業清淨。自得勝報。何
必要立誓願。然後得之。且如田家得穀。豈復待願耶。
答曰。作福無願。無所標立。願爲導御。能有所成。如佛
所說。若人修少福。少戒。不知解脫。正因。聞說人天之
樂。心常願樂。命終之後。各生其中。此皆願力所致。菩
薩求生淨土。在乎志願堅強。然後得之。以此故知。因
彼願力。得受勝果。古德云。佛果實絕。登之則有階。法
雲峻極。屆之則有漸。大心初發。立德照於來生。弘誓
纔興。妙願徧於空界。一念興志。卽塵劫之瑞華。半刻
虔躬。乃大千之甘露。大莊嚴論云。佛國大事。獨行功

德。不能成就。要須願力資助。引而成之。以願力故。福
德增長。不失不壞。當生佛土。隨願見佛。華嚴經云。是
入臨命終時。最後剎那。一切諸根。悉皆散壞。一切親
屬。悉皆捨離。一切威勢。悉皆退失。乃至象馬車乘。珍
寶伏藏。如是一切。無復相隨。唯此願王。不相捨離。於
一切時。引導其前。一剎那中。卽得往生。極樂世界。

善導和尚修行發願儀 正願 四

修淨土入觀及睡時。應發此願。若坐若立。一心合掌。
正回西向。十聲阿彌陀佛。觀世音大勢至清淨大海
衆菩薩。竟發願云。弟子現是生死凡夫。罪障深重。輪

迴六道苦不可言。今遇知識得聞彌陀名號。本願功德一心稱念。求願往生。願佛慈悲不捨。哀憐攝受。弟子某甲。不識佛身。相好光明。願佛示現。令我得見。及見觀音勢至。諸菩薩衆。彼世界中。清淨莊嚴。光明少相等。令我了了得見。發此願已。一心正念。卽隨意入觀。或臨卧發願而睡。或有正發願時卽得見之。或睡時得見。但辦專志。自然圓滿所願。

白侍郎發願求生淨土文 正願

五

記曰。我本師釋迦如來說言。從是西方過十萬億佛土。有世界號極樂。以無八苦四惡道故也。其國號淨

土。以無二毒五濁故也。其佛號阿彌陀。以壽無量願無量功德相好光明無量故也。諦觀此娑婆世界衆生。無賢愚。無貴賤。無幼艾。有起心歸佛者。舉手合掌。必向西方。有怖厄苦惱。開口發聲。必先念阿彌陀佛。又範金合土。刻石繡紋。乃至印水聚沙。童子戲者。莫不率以阿彌陀爲上首。不知其然而然。由是而觀。是彼如來有大誓願。於此衆生。衆生有大因緣。於彼國土明矣。不然則南北東西。過去現在未來佛甚多矣。何獨如是哉。何獨如是哉。唐中大夫太子少傅白居易。當衰暮之歲。中風痺之疾。乃捨俸錢。命工人杜敬

宗。按阿彌陀無量壽二經。畫西方世界一部。高九尺。廣丈有三尺。阿彌陀佛坐中央。觀音勢至二大士。侍左右。人天瞻仰。眷屬圍繞。樓臺伎樂。水樹花鳥。七寶嚴飾。五彩彰施。爛爛煌煌。功德成就。弟子居易。焚香稽首。跪於佛前。起慈悲心。發弘誓願。願此功德。回施一切衆生。一切衆生。有如我老者。如我病者。願離苦得樂。斷惡修善。不越南部。便覩西方。白毫大光。應念來感。青蓮上品。隨願往生。從現在身。盡未來際。常得親近。而供養也。欲重宣此義。而說讚曰。極樂世界清淨土。無諸惡道及衆苦。願如我身老病者。同生無量

壽佛所。

馮濟川施經發淨土願文

正願六

其畧曰。予之施經一事。而具二施。何故。以財贖經。是謂財施。以經傳法。是謂法施。按佛所說。財施後世當得天上人間福德之報。法施當得世智辯聰。蓋世之報。當知此二報者。皆是輪迴之因。苦報之本。我今發願。願回此二報。臨命終時。莊嚴往生西方極樂世界。蓮華爲胎。托質於中。見佛聞法。悟無生忍。登不退階。入菩薩位。還來十方界內。五濁世中。普見其身。而作佛事。以今日財法二施之因。如觀世音菩薩。具大慈

悲遊歷五道。隨類化形。說諸妙法。開發未悟。永離苦道。令得智慧。普與衆生。悉得成佛。乃子施經之願也。右出捨經碑。馮察院施經不求人天路上富貴聰明。而以此功德。悉回向淨土。願見彌陀。可謂智識高明。深達佛理。大乘人也。嗟見蓮社人。終日念佛。而求後世福報。豈不謬哉。子願一切人。同生淨土。故舉馮察院施經發願文。與諸人作樣子。凡有修福念佛。乃至一毫之善。悉皆發願回向西方。有所歸趣。臨終定生淨土也。

廬山蓮宗寶鑑卷七

廬山蓮宗寶鑑卷八

東林蓮宗善法祖堂勸修淨業

臣僧普度謹編

念佛往生正訣篇第八

念佛往生正訣說

下具十章

淨土之道。往生一門。具載羣經。明如杲日。實修行者入道之方。乃念佛人。格神之所。無念之念。念卽念於阿彌。無生之生。生則生於淨土。是故深行菩薩。歷代師模。名卿巨儒。庶民士女。篤信斯道。結誓進修者。不可勝計。其意何哉。必欲生淨土。見阿彌而後已。須知佛本無身。亦無其土。皆衆生心淨。所以致感也。經不

云乎。是心作佛。是心是佛。諸佛正徧知海。從心想生。故天台大師釋之曰。佛本是無心淨。故有良以衆生心淨。則法體現前。衆生心染。則苦道流轉。此乃理之常也。又何疑乎。以圓實教所談。惟心本具者。若此若彼。若染若淨。皆不越吾心之一念也。夫心者。造罪之源。成佛之本。所謂介爾有心。三千具足。然而三千諸法。既具十界十如。三種世間。互具而顯。則安養國土。捨此何求。非但淨土惟心。蓋地獄亦惟心矣。又云。阿鼻依正。全趣極聖之自心。身土毘盧。不逾下凡之一念。纔起悟迷之見。便入邪流。不分染淨之殊。方歸正

道。刀山劍樹。總是空華。寶渚金蓮。皆成夢事。如斯受用。始了真修。脫或夫然。宜依權漸。而加進修。深信阿彌陀佛。卽我本性。貴在禮誦懺念之間。行住坐卧之處。照於三觀。契乎一心。全智發境。全境是心。故知佛正佛依。皆是心具心造。信哉淨土彌陀。昭昭然影現於心目之間。譬如磨銅成鏡。必假施功。直使塵垢淨盡。無餘。則本體圓明。自然顯現。一切色像。俱無隱焉。當知鏡中之像。若謂是有。不可承而攬之。若謂是無。則色像歷然可見。所謂有不定有。無不定無。有無雙遣。任運是中。大矣哉。不思議境。惟心妙觀之道也。欲

證斯道必明於因。當知因該果海。果徹因源。原自始
要。不離一念從因至果。只在初心。苟能於此善修如
是之因。至於臨終。必獲如是之果。是知專心念佛爲
因。往生淨土爲果。始從聞信。信以修持。積淨業之工
夫。得功緣之成滿。時節既至。大理昭然。視死如歸。豈
不慶快。故茲直示往生正訣。明指到家路頭。此時自
信不疑。他日出門不誤。如此則安養國土。何患不生。
自性彌陀。決然可見。與夫列聖羣賢。同成淨行。歷位
至極者。實惟斯道矣。

父母臨終往生淨土

正訣

諦信淨土。發心念佛者。蓮池下種時也。一心念佛衆
善莊嚴者。蓮華出水時也。念佛功成。淨土緣熟。華開
見佛時也。佛子事佛。固先事親。拳拳孝念。不捨須臾。
順父母之情懷。察父母之顏色。纔乖攝養。力爲調和。
又當念風燭不停。須防往生時至。預以父母平生所
修一切善緣好事。及衆人助修功德。聚爲一疏。時時
對父母讀之。要令父母心生歡喜。又當勸令坐臥西
向。不忘淨土。又當東向設彌陀像。勸令一心念佛。焚
香鳴磬。躬率衆人同聲和之。常使佛聲相續不絕。無
以世情悲戀。恐失正念。臨捨報時。猶當用意。自然諸

聖來迎。往生淨土。寶蓮華中。決定成佛。孝子侍養父母。正在此時。不宜懈怠。此孝子事親臨終之大事也。以此爲孝。其孝至矣。又況從古以來。念佛往生西方者非一。畧舉數條。以爲念佛者鑑。所以烏菴國主。觀衆神以來迎。隋文皇后。乘異香而西邁。姚行婆請佛相待。宋世子侍母同歸。可謂一超直入如來地矣。

臨終三疑

正訣

慈照宗主淨土十門告誡云。念佛人臨終三疑。不生淨土。一者疑我生來。作業極重。修行日淺。恐不得生。二者疑我欠人債負。或有心願未了。及貪嗔癡未息。

恐不得生。三者疑我雖念彌陀。臨命終時。恐佛不來迎接。有此三疑。因疑成障。失其正念。不得往生。故念佛之人。切要諦信佛經明旨。勿生疑心。經云。念阿彌陀佛一聲。滅八十億劫生死重罪。上至一心不亂。下至十念成功。接向九蓮。令辭五濁。苟能心心不昧。念念無差。則疑情永斷。決定往生。可謂十萬億程彈指到。絲毫擬議隔千山。

臨終四關

正訣

四關者。慈照宗主淨土十門告誡云。凡夫雖有信心。念佛緣爲宿業障重。合墮地獄。乘佛力故。於床枕間。

蓮宗寶鑑卷八
四
將輕換重。若也因病苦故。悔悟身心。當生淨土也。無智之人。不了此事。卻言我今念佛。又有病苦。反謗彌陀。因此一念惡心。徑入地獄。此是一關也。二者雖則持戒念佛。緣爲口談淨土。意戀娑婆。不求出世善根。爲愛家緣長旺。以致臨終遭病。怕死貪生。信受童兒呼神喚鬼。燒錢化馬。殺戮衆生。緣此心邪。無佛攝護。因茲流浪。墮落三途。是二關也。三者或因服藥。須用酒腥。或因親情。遞相勸逼。此人無決定信。喪失善根。臨終追赴王前。任王判斷。是爲第三關也。四者臨終之際。思惟活業。繫綴資財。愛戀眷屬。心放不下。失却

正念。故於家舍墮鬼趣中。已爲禍祟。或爲慳犬。或作蛇身。守護家庭。宛如在日。是爲四關也。是以楊提刑言。愛不重。不生娑婆。念不一。不生淨土。誠哉是言。凡修淨土者。要當酌實。彌浮。思專想寂。念念彌陀。全身放下。但能堅此一念。便可碎破四關。則淨土蓮臺。的非遙矣。可謂一句彌陀無別念。不勞彈指到西方。

臨終決疑撮要

正訣
四

凡修念佛之人。欲生淨土。每念世間一切無常。成必有壞。生必有死。若不親聞佛法。則捨身受身。輪轉三界。四生六道。無解脫期。我今有緣。得聞正法。得修淨

業。惟佛爲念。捨此報身。當生淨土。入彼蓮胎。受諸快樂。永脫生死。不退菩提。此乃大丈夫平生之能事也。纔有疾病。正要向前。坦蕩身心。莫生疑慮。直須西向。正坐。專想阿彌陀佛。與觀世音。大勢至菩薩。及無數化佛。現在其前。一心稱念南無阿彌陀佛。聲不絕於諸世間。一切事務。不得思念。不得貪戀。若或心念起來。但要急稱佛號。於念念中。除滅罪障。若病人昏困。不能自念。則看病人。當方便警策。勸而諭之。如此用心。助令命盡。只此一念。決定往生淨土。命若未盡。自得安寧。慎勿妄起留戀世間之心。當存自存。當死

須死。但辨往生。何須疑慮。若解此理。如脫弊服。以着上衣。一捨凡身。便登佛地。奇哉偉哉。至矣盡矣。或聞天樂異香。或見金蓮寶座。此乃聖境現前。慎勿疑爲魔事。經云。修淨業者。托佛願力。觀佛寶相爲境。故如人近附帝王。誰敢干犯。此阿彌陀佛有大慈悲力。有大誓願力。有大智慧力。有大三昧力。有大威神力。有大摧邪力。有大降魔力。有天眼遠見力。有天耳遙聞力。有他心徹鑑力。有光明遍照攝取衆生力。有如是等不可思議無量最勝功德之力。豈不能護持修行念佛之人。至臨終時。令無魔障。生淨土哉。可謂粉骨

碎身未足酬。一句了然超百億。

僧濟臨終注想西方

正訣五

廬山尊者弟子僧濟。臨終之際。尊者遺燭一枝。曰。汝可運想西方。濟執燭注想金容。攝心無亂。復請僧衆誦十六觀經。五更濟以燭授同袍。遂假寐。及寤。曰。吾夢見阿彌陀佛。垂手接引。吾當去矣。言訖。右脇而逝。此非戒定慧之所熏修。而豈能溫容軟語。於生死岸頭耶。可謂得路便行。無罣礙。等閒抹過生死關。

善導和尚臨終往生正念文

正訣六

知歸子問曰。世事之大。莫越生死。一息不來。便屬後

世。一念差錯。便墮輪迴。小子累蒙開誨念佛往生之法。其理甚明。又恐病來死至之時。心識散亂。仍慮他人。感動正念。忘失淨因。伏望重示歸徑之方。俾脫沉輪之苦。師曰。善哉。問也。凡一切人命終欲生淨土。須是不得怕死。常念此身多苦。不淨惡業。種種交纏。若得捨此穢身。超生淨土。受無量快樂。解脫生死苦趣。乃是稱意之事。如脫弊衣。得換珍服。但當放下身心。莫生戀着。凡遇有病之時。便念無常。一心待死。叮嚀家人。及看病人。往來問候人。凡來我前。爲我念佛。不得說眼前閒雜之話。家中長短之事。亦不須軟語安

蓮宗寶鑑卷八
慰祝願安樂。此皆虛花無益之語。若病重將終之際。親屬不得垂淚哭泣。及發嗟歎懊惱之聲。惑亂心神。失其正念。但一時同聲念佛。待氣盡了。方可哀泣。纔有絲毫戀世間心。便成罣礙。不得解脫。若得明曉淨土之人。頻來策勵。極爲大幸。若依此者。決定超生。卽無疑也。又問曰。求醫服藥。還可用不。答曰。求醫服藥。初不相妨。然藥者。只能醫病。不能醫命。命若盡時。藥豈奈何。若殺物命爲藥。以求身安。此則不可。余多見世人。因病持齋。方獲小愈。復爲醫者。以酒食血肉佐藥。其病復作。信知佛力可救。酒肉無益也。又問曰。求

神祈福如何。答曰。人命長短。生時已定。何假鬼神之耶。若迷惑信邪。殺害衆生。祭祀神鬼。但增罪業。反損壽矣。大命若盡。小鬼奈何。空自悻惶。但無所濟。切宜謹之。當以此文貼向目前。時時見之。免致臨危忘失。又問曰。平生未曾念佛人。還用得。不。答曰。此法。他人俗人。未念佛人。用之。皆得往生。決無疑也。余多目世人。於平常念佛禮讚發願往生西方。甚是勤拳。及至臨病。却又怕死。都不說着往生解脫之事。直待命消命盡。識投冥界。方始十念鳴鐘。恰如賊去關門。濟何事也。死門事大。須是自家着力始得。若一念差錯。

歷劫受苦。誰人相代。思之思之。若無事時。當以此法。精進受持。是爲臨終大事。可謂一條蕩蕩西方徑直。下歸家莫問津。

化佛來迎

正訣
七

宗鏡錄或問曰。心外無佛。見佛是心。云何教中說有化佛來迎。生諸淨土。答曰。法身真佛。本無生滅。從真起化。接引迷根。以化卽真。真應一際。卽不來不去。隨應物心。又化體卽真。說無來去。從真流化。現有往還。卽不來相而來。不見相而見也。不來而來。似水月之頓呈。不見而見。猶行雲之忽現。問如上所說。真體卽

湛然不動。化相卽不來而來。正是心外有化佛來迎。云何證自心是佛。答曰。此乃是如來本願功德力。故令彼有緣衆生。專心想念。能令自心見佛來迎。不是諸佛實遣化身而來迎接。但是有緣。時機正合。能令自心見佛來迎。則佛身湛然常寂。無去無來。衆生識心托佛本願力。一念變化。有去有來。如鏡面像。似夢施爲鏡中之形。非內非外。夢中之事。不有不無。但是心生。非關佛化。真信修行之士。端的是要生西方極樂世界。專一意念。持一句阿彌陀佛。只此一念。是我本師。只此一念。卽是化佛。只此一念。是破地獄之猛

將只此一念。是斬羣邪之寶劍。只此一念。是開黑暗之明燈。只此一念。是度苦海之大船。只此一念。是脫生死之良方。只此一念。是出三界之徑路。只此一念。是本性彌陀。只此一念。達唯心淨土。但只要記得這一句阿彌陀佛在念。莫教失落。念念常現前。念念不離心。無事也如是念。有事也如是念。安樂也如是念。病苦也如是念。生也如是念。死也如是念。如是一念。分明不昧。又何必問人覓歸程乎。可謂行船盡在肥艸人。達者同遊涅槃路。

賢首菩薩臨終讚念佛偈

正訣

又放光明名見佛一此光覺悟將終者

命終得生其淨國

見有臨終勸念佛一及示尊像令瞻仰

俾於佛所深歸信一是故得成此光明

天竺慈雲式懺主云前四句讚佛放光見其光者名

為見佛能令臨命終時淨土往生後四句讚佛修此

光明之因其因者祇是勸臨終人念佛并示其佛像

令彼見已生信故成佛時得此光明今以偈普勸信

受凡遇眷屬及一切人臨命終時先於床前安置此

像令彼眼見及勸令念佛若痛苦所逼或先無信心

不肯念者。亦須種種方便。勸令稱佛。下至十念。得滅重罪。生佛淨土。此一利益。不可思議。若勸得一人。生淨土。縱自不修行。亦合得生淨土。況當來成佛。能放光明。照一切衆生。臨終見佛也。多見世人。爲恩愛故。聚頭哭泣。不思救度。是名惡知識也。苦哉苦哉。恩愛所牽。墮落惡道。無解脫期。雖慈親孝子。亦不奈何。以此思之。可不勉哉。可謂普願沈溺諸衆生。速往無量光佛刹。

情想多少論報高下

正訣

首楞嚴經云。佛告阿難。一切世間。生死相續。生從順

習。死從變流。臨命終時。未捨煖觸。一生善惡。俱時頓現。純想卽飛。必生天上。若飛心中。兼福兼慧。及與淨願。自然心開。見十方佛。一切淨土。隨願往生。情少想多。輕舉非遠。卽爲飛仙。情想均等。不飛不墜。生於人間。想明斯聰。情幽斯鈍。情多想少。流入橫生。重爲毛羣。輕爲羽族。七情三想。沈下水輪。生於火際。受氣猛火。身爲餓鬼。常被焚燒。水能害已。無食無飲。經百千劫。九情一想。下洞火輪。輕生有間。重生無間。二種地獄。純情卽沈。入阿鼻獄。若沈心中。有謗大乘。毀佛禁戒。誑妄說法。虛貪信施。濫膺恭敬。五逆十重。更生十

方阿鼻地獄。

命終善惡感報優劣

正訣

守護國界主經云。佛言。若人命終之時。預知時至。正念分明。洗浴着衣。吉祥而逝。光明照身。見佛相好。衆善俱現。定知此人。決定往生淨土。若人念佛持戒。無精進心。命終亦無善相。亦無惡相。地府不收。安養不攝。如睡眠去。此人疑情未斷。生於疑城。五百歲受樂。再修信願。方歸淨土。若人起憐憫心。正念現前。於財寶妻子。心無愛戀。眼色清淨。仰面含笑。想念天宮。當來迎我。耳聞天樂。眼見天童。捨此報身。定生天界。若

人生柔軟心。起福德心。身無病難。憶念父母妻子。於善於惡。心不錯亂。其心正直。遺囑家財。辭別而去。定生人界。若人於已眷屬。惡眼瞻視。舉手捫空。便利不覺。身常臭穢。兩目紅赤。仆面而卧。蹠身左脇。百節酸疼。或見惡相。口不能言。呻吟叫喚。冤債現前。心識散亂。狂惑顛倒。徧體如水。手捻死拳。身硬如石。此人命終。定入地獄。若人好舐其唇。身熱如火。常患饑渴。好說飲食。張口不合。貪戀財寶。命卒難斷。開眼而去。此人定入餓鬼。若人身染重病。如在雲霧。心神昏散。怕聞佛名。多愛食噉血肉之味。不受勸化。愛戀妻兒。蹠

蓮宗寶鑑卷八
手足指徧身流汗。出籠惡聲。口中咀沫。此相現前。定入畜生。

臨終十事不尅念佛勉勸預修

正訣十一

凡夫業重。處處貪生。若不預辦工夫。臨終不尅念佛。天台十疑論云。臨終念佛。卽最後心。其心猛利。一念佛名。卽生淨土。蓋垂死時。其心猛健。決定。故勝百歲行力也。或問曰。臨終念佛。卽得往生。何假預修勝業。答曰。人生壽夭。難測短長。或卽病困昏迷。或卽非時奄逝。旣闕生前之善。難逃後世之殃。須預作於善緣。是恐防於斯咎。十種命終。不尅念佛。一者善友未必


相逢。二者或疾苦纏身。神昏性亂。三者偏風失語。不得稱名。四者狂亂失心。注想難尅。五者或逢水火。不暇志誠。六者輒遇虎狼。驚惶倉卒。七者臨時惡友。破壞道心。八者飽食過多。昏迷致命。九者軍件鬪戰。忽爾身亡。十者或墜高巖。傷中身命。故知臨終難保吉凶。故是預先修習。可謂閒時做下急時用。免得臨期手腳忙。

廬山蓮宗寶鑑卷八

瑪瑙寺經房居士陳春發助洋拾三元敬刻第

七第八二卷

蓮宗寶鑑卷八



廬山蓮宗寶鑑卷九

東林蓮宗善法祖堂勸修淨業臣僧普度謹編

念佛正報篇第九

念佛正報說下具四章

因修白業果感淨方。化佛引上金臺。聖賢迎歸樂一
高超三界。迴出四流。業盡塵消。亡情絕慮。質托蓮荷
之內。神遊寶界之中。面奉阿彌陀佛為本師。得見觀
音勢至為親友。清淨海眾大會寶池。九品勝流。各說
本行。五香拂體。三德嚴身。暫扇微風。聆眾音之演法
續紛花雨。觀燄網之舒光。縹緲雲霞。近浮神足。輕盈

衣。祴。盛。接。妙。華。晨。謁。慈。顏。得。法。印。而。還。國。暮。遊。金。刹。
聽。玉。偈。以。逍。遙。瑞。蓮。初。綻。爲。遺。殘。殃。新。學。化。生。行。成。
不。退。豈。惟。近。忘。麓。苦。抑。亦。佛。果。非。遙。戲。翫。瓊。林。灌。沐。
德。水。百。寶。之。樓。閣。華。麗。七。重。之。行。樹。森。嚴。景。序。長。春。
地。平。如。掌。衣。食。隨。念。而。至。天。樂。不。鼓。自。鳴。受。用。出。於。
自。然。快。樂。實。非。人。世。諸。天。萬。億。倍。不。可。比。論。諸。佛。如。
河。沙。悉。皆。稱。讚。身。具。光。明。妙。相。跡。踐。聖。道。香。階。壽。命。
難。量。悲。願。無。盡。捨。兩。重。生。死。既。非。果。趣。之。身。獲。本。際。
常。光。離。去。來。之。相。緣。強。德。勝。皆。由。念。佛。心。生。福。備。壽。
長。盡。是。淨。因。感。報。故。知。佛。有。攝。生。之。願。生。之。之。

因。如。是。勝。緣。起。於。信。願。以。斯。妙。果。成。就。正。依。
七。寶。池。邊。或。經。行。黃。金。地。上。飽。禪。悅。法。喜。珍。味。掛。慈。
悲。喜。捨。天。衣。功。德。資。神。增。加。悲。智。雍。容。辦。道。長。養。聖。
胎。入。無。生。門。便。登。菩。薩。之。位。得。阿。跋。致。不。退。菩。提。之。
心。住。法。王。家。盡。受。如。來。之。記。聞。大。乘。法。同。稱。補。處。之。
尊。念。念。虛。立。心。心。靜。慮。得。三。昧。正。定。具。六。種。神。通。獻。
供。十。方。往。來。無。礙。分。身。億。刹。不。失。定。心。淨。法。水。於。三。
千。出。衆。生。於。火。宅。自。他。兼。利。行。願。周。圓。可。謂。百。千。三。
昧。盡。唯。心。功。德。莊。嚴。歸。自。已。

功德莊嚴 正報

大彌陀經菩薩功德章云。往生彼國者。皆悉容貌柔和。相好具足。禪定智慧。通達無礙。神通威德。無不圓滿。深入法門。具無生忍。諸佛秘藏。究竟明了。調伏諸根。身心柔軟。安然寂靜。盡般泥洹。深入正慧。無有餘習。依佛所行。七覺聖道。修行五眼。照真達俗。辯才總持。自在無礙。善解世間。無邊方便。所言誠諦。深入義味。敷演正法。度諸有情。等觀三界。空無所有。知一切法。無相無爲。無取無捨。遠離顛倒。堅固不動。如須彌山。智明如日。廣大如海。出功德寶。熾盛如火。燒煩惱薪。忍辱如地。一切平等。清淨如水。洗諸塵垢。如虛空

無邊。不障一切故。如蓮華出水。離一切染故。如雷震響。出法音故。如雲變隼。降法雨故。如風動樹。發菩提芽故。如牛王聲。異衆牛故。如龍象威。難可測故。如良馬行。乘無失故。如獅子王。無怖畏故。如尼拘律樹。覆蔭大故。如優鉢羅花。難值遇故。如金剛杵。破邪山故。如梵王身。生梵衆故。如金翅鳥。勝毒龍故。如空中禽。無住跡故。如雪山照功德淨故。如慈氏觀法界等故。專樂求法。心無厭足。常欲廣說。志無疲倦。擊法鼓。建法幢。曜慧日。除癡冥。修六和敬。常爲師導。爲世明燈。最勝福田。以安羣生。功德殊勝。莫不尊重。恭敬供養。

無量諸佛。常爲諸佛所共讚歎。究竟菩薩諸波羅密。遠離聲聞緣覺之地。佛告阿難。彼諸菩薩。以念佛故。成就如是無量功德。我但爲汝舉要言之。若廣說也。雖盡億劫。不能窮盡。

淨土增修聖果

正報

夫彌陀經云。諸念佛人。生淨土已。卽入七寶池。山雪形體。蕩滌情慮。各坐一華上。自然微風吹動。蓮行樹。出微妙音。散諸寶華。異香芬馥。皆作佛事。聞喜悅無量。自然心開。各往進修。有在地講經。地誦經者。有在地說經者。有在地口誦。

聽經者。有在地念經者。有在地思道者。有在地一心者。有在地經行者。有在虛空中講經者。有在虛空中誦經者。有在虛空中說經者。有在虛空中口經者。有在虛空中聽經者。有在虛空中念經者。有在虛空中思道者。有在虛空中坐禪一心者。有在虛空中經行者。其間聲聞弟子。皆發大心。有未得聖果者。因是而得聖果。有未得不退轉地者。因是而得不退轉地。菩薩各隨其資。而有所得。莫不忻然。適意而遊。遊戲三昧。利樂有情。由念佛之堅心。稱彌陀之本願。往生佛子。同列此班。智慧辯才。神通如意。風帆勢。

速證菩提。超萬劫之輪迴。得諸天之仰重。淨業勝善。大果昭然。寄語同流。無忘此事。蠕動蜎飛。猶有分。大丈夫兒當勉旃。

淨土三十益

正報
三

天台智者大師淨土羣疑論云。生西方者。有三十種益。一往生佛土益。二得大法樂益。三親近諸佛益。四遊歷十方供佛益。五親聞佛說益。六福慧資糧疾得圓滿益。七速證菩提益。八諸天人等同集一會益。九無退轉益。十無量行願增進益。十一鸚鵡舍利宣揚法音益。十二風樹樂響益。十三摩尼水漩演苦空公

十四諸樂奏妙音益。十五四十八願益。十六真金身益。十七形無醜陋益。十八具足六通益。十九常定聚益。二十無諸不善益。二十一壽命長遠益。二十二衣食自然益。二十三惟受眾樂益。二十四三十二相益。二十五實無女人益。二十六無有小乘益。二十七離於八難益。二十八得三法忍益。二十九身常光益。三十得那羅延身力益。可謂處處菩提道。明明功德林。

淨土成佛

正報
四

金剛定後。菩薩因圓。解脫道中。如來果滿。具四無畏。

心得四無礙辯。十八種法不共。二乘十力現前。說法無畏。塵沙惑盡。萬行功成。十號俱彰。三身圓顯。具九十七種大人相。放八萬四千大光明。悲智俱融。福慧雙足。現居十重報土。能垂萬類化身。布大慈雲。雨法雨。滂流法界。潤澤羣生。咸悟本心。同成正覺。○經佛若無如是眼。宗風那得到如今。

廬山蓮宗寶鑑卷九

比丘炳慧

靜光

各助錢五百文

增貴

助錢六百文

能

定

各助錢四百文

成教

助錢三百文

成岳

福

本

各助錢二百文

同修

助錢一百文

敬刻第九卷

廬山蓮宗寶鑑卷十

東林蓮宗善法祖堂勸修淨業

臣僧普度謹編

念佛正論篇第十

念佛正論說

下具二十三章

夫奉教念佛之士。叨法王之遺蔭。作如來之所使。必以摧邪顯正。激濁揚清。為後學著龜。作生靈耳目。為已任也。苟弗能而默默自守。則尸祿備員於佛門矣。雖講授亦奚以為。豈不聞因筌然後得魚。體教然後修行。名教未正。行如之何哉。故不得不論也。是以夫子為政。正其不正。涅槃遺誠。急在糾過。余嘗觀吾佛

蓮宗寶鑑卷十
世尊之王西竺也。象無象之象。言無言之言。以復羣生之性。由是頓教漸教。大乘小乘。盈溢乎龍宮海藏。無非摧邪顯正。激濁揚清之旨。而大地生民。率其化而復其性者。可勝計乎。其間偏讚西方。謂捷徑修行之道者。蓋以阿彌陀佛。有廣大願力。攝娑婆衆生而歸淨邦。是令反妄而證真也。所以諸佛共讚。菩薩同遵。晉社創修。千古之高風不墜。慈照集懺。十方之正化流通。大矣哉。淨土之道。其爲體也。以彌陀卽本性。其爲宗也。以淨國卽唯心。其爲用也。以仁恕卽滅惡生善。此之三者。蓋顯三世報應制其事。一心空寂窮

其理。俛達乎理者。反其妄。信其事者。遷乎善。以斯而利於上下。實助於周孔之教。贊翊皇化。其亦至矣。使一人能行是道。以訓於家。家以導於鄉。鄉以達於邦。以至於無窮。則天下之民。涵道泳德。融神實相。高步無何。而極佛境界。豈止以爲善人君子而已哉。夫如是。則何患乎忠孝不修。禮讓不著歟。以此觀之。豈非能仁之道。與夫子之道。共爲表裏。以訓於民耶。洎乎歷朝敬之。廣其教。像法事之。非其人。廣其教。則弊倖生。非其人。則淳樸泯。而乃以佛堂高大。爲奢誇聲利。溫飽爲能事。徒以多爲貴。則壞其道者衆矣。言以恠

蓮宗寶鑑卷十
二
爲美則惑其聽者庶矣。遞相沿襲以成鄙吝。日復一日紅紫亂朱。使夫清淨仁恕之風消蕩矣。於是蠶食蠹耗之謗由茲而盛焉。斯乃敬之事之者之失。非其教之咎也。今之人多不察其所由。視其徒之不肖者而遷怒於善人教法焉。亦何異乎以丹朱而罪堯。因商均而過舜。服藥失度歸咎於神農。縱火致焚反怨於燧人也耶。愚乃不佞。學佛之道有年矣。既粗領其旨而頗有扶傾之心。非敢私於已而欲公於衆。以救其弊也。嘗謂教門之利害有四。一曰師授不明。邪法增熾。而喪其真。二曰戒法不行。綱常紊亂。而犯其禁。

三曰教理未彰。謬談非義。而惑其衆。四曰行願不修。迷入邪岐。而墮於魔。由是亂名改作。聾瞽後學。非止一端。可傷乎哉。自是叨濫之徒。一以傳十。十以傳百。百以千萬。流毒於海內。速若置郵。何以知其然。正說難行。邪風易染。此必然之理也。噫。祖道之不傳也久矣。欲人之無惑者難矣。吾雖不敏。而實悲焉。思欲分條析理。廣被前聞。截僞續真。開茲後學。恨無慧辯。徒事管窺。由是齋沐一心。投誠三寶。詢求大教。參考玄文。楷定正宗。破諸異說。總成念佛正論。剖證佛祖格言。普告諸方。咸躋覺路。庶使聖教隱而復彰。衆生罪

而還福。有客至而問之曰。修行了自己生死。何須論他人長短。予應之曰。理不然也。豈不聞如來出世。無一法不是利生菩薩修行。肯纖毫而爲自己。佛子示同外道。方便轉彼邪心。楞嚴十種魔民。皆因錯解華嚴十類魔業。示其正歸。嗟惡慧之邪修。自甘心於險道。遇斯境界。豈可緘言。念彼愚癡。寧容坐視。況世尊悲心付囑。留大願而普濟迷津。菩薩如教修行。示同事而化令成佛。是其本行。夫復何疑。如其見迷路而不指正途。慈悲安在。觀沉溺而不思拯救。方便何存。隨順正法而破魔。是無上大智之業。調伏衆生而入道。是諸佛之所攝持。誓當捨命而立真宗。終不已而忘佛囑。衆生盡而悲心益固。空界殞而我願無窮。倘逢有識之賢。必能助弘斯道。可謂將此深心奉塵刹。是則名爲報佛恩。

真如本性說

正論

真如本性者。父母未生已前。一真無妄之體。謂之本來面目。禪定則曰正法眼藏。蓮宗則曰本性彌陀。孔子則曰天理。大易則曰太極。名雖有異。其實同一真如本性也。此性虛而靈。寂而妙。與天地同根。萬物一本。歷塵劫而不朽。世界壞而不遷。人不能任其自如。

之真。而枯於地水火風和合之質。方其受形也。已爲陰血濁氣。昏其本然清淨之體。及其生也。六塵五欲之迷倒。昧於本有之天真。是故佛說入萬四千法門。皆是導人反妄而歸真也。其捷徑易行者。惟念佛一門。修之者。心不散亂。三昧現前。是復其本性也。今有一等不究佛理之人。却將道門修養法。冒濫蓮宗。妄說氣是主人。教人般精運氣。勞其筋骨。枉用身心。甘受苦辛。終無所濟。嘗觀道門張紫陽說精氣神者。先天地之元精。元氣。元神也。元精非淫泆之精。元氣非呼吸之氣。元神非念慮之神。癡人不曉此意。喚甕作

鍾。眼既不明。理亦不達。矯誘他清信之士。一向在臭皮袋上造作。昧却一真佛性。妄言此是修行。可悲也哉。普告同修。切宜仔細。究心念佛。啟悟真源。若也了自見。法法現前。是名見性成佛。一念差錯。天地懸殊。

辨真妄身心正論

夫身者。有法身。有色身。傳曰。智明真境。盡法爲身。故曰法身。父母緣生。虛幻不實。故曰色身。心者。有真心。有妄心。真淨明妙。虛徹靈通。故曰真心。隨境生滅。忽有忽無。故曰妄心。祖師勸修念佛三昧者。於自己真

心中流出一句阿彌陀佛。念念觀照。法法圓通。是謂都攝六根。淨念相繼。於一念中。普現色身三昧。今時有一等人。不知真妄。錯認色身為我身。以妄念為究竟。多是吐納按摩。做模打樣。希望成道。不亦謬乎。所謂棄却真金。而拾瓦礫也。大凡學道。要辨真偽。故宗鏡云。修道以心為宗。理須仔細究竟。約有情界。真妄似分。不可雷同。有濫圓覺。金鑛共蕪。真偽纔分。沙米同炊。生熟有異。三乘慕道。見有差殊。錯指妄心。以為真實。認妄賊為真子。劫盡家珍。收魚目作驪珠。空迷智眼。遂使愚癡之子。陷有缺之重關。邪險之人。溺見

河之識浪。戲熾焰於朽宅。忘苦忘疲。臥大夢於長宵。迷心迷性。皆由執斯緣慮。作自己心。遺此真心。住他聲色。斯則凡夫外道之失也。或有法學禪宗。執佛方便。致使撒開。入網乘對。四機。越一念而遠驟。三祇功虛。大劫離寶所。而久淹。化壘跡。困長衢。斯則迷循妄心。不得真心之失也。心賦云。性非造作。理實鎔融。明之者。即動而靜。昧之者。迷西作東。任竭海移山。未是無為之力。縱躡虛履水。皆為有漏之通。辨玉須真。探珠宜靜。若向境外以求心。焉知圓光而在。肯順法界性。合真如心。此則頓入如來大慈悲海。比之著相修

皮袋者豈可同日語矣。

辨明三寶

正論

教云。十方薄伽梵。圓滿修多羅。大乘菩薩僧。功德難思議。三寶者有三種。一曰同體三寶。謂真如之理。自性開覺。名爲佛寶。德用軌則。自性正真。名爲法寶。動無違謬。自性清淨。名爲僧寶。二曰出世三寶。謂法報化身。隨類應現。是爲佛寶。六度詮旨。四諦緣生。名爲法寶。十地菩薩。四向五果。名爲僧寶。三曰世間住持三寶。謂泥龕塑像。名爲佛寶。黃卷赤軸。名爲法寶。剃髮染衣。名爲僧寶。皈依者感諸天護持。供養者獲福

田無量。今有邪愚不解。僞撰真宗妙義經。妄言精是佛寶。氣是法寶。神是僧寶。遞相傳習。致使入善門者。信其邪說。不敬三寶。實可憐憫。若夫不敬世間三寶。則自昧其心。自昧其心。則迷失本性。同體出世三寶。何所得哉。自賺猶可。又賺他人。可謂岐人天之正路。瞎人天之正眼。昧因果之真教。澆定慧之淳風。無甚於此也。佛言。一切衆生。若不皈依三寶。永劫墮三惡道。況我慈照集經成懺。使學者依大乘經。甚深妙義。從今身至佛身。爲法界衆生。皈依常住佛。皈依常住法。皈依常住僧。正信善人。既已得聞。聞已誦禮。固當

自敬自信。卽此敬信之心。端可近於佛道矣。凡見一切佛像。起如來想。見一切聖教。生難遭想。見一切比丘僧。起祖師想。禮拜供養。無得輕欺。以佛莊嚴而自莊嚴。如此則一體三寶。唯心備具矣。若也執於鄙見。昧其根本。妄信邪教。疑誤後人。自取沉淪。永溺惡趣。是誰之咎歟。

辨見聞覺知

正論四

古德云。在胎爲身。處世名人在眼。日見在耳。日聞在鼻。嗅香在舌。談論在手。執捉在足。運奔徧現。俱該沙界。收攝在一。微塵識者。知是佛性。不識喚作精死。比

來有等愚人。不知佛理。潛吾教中。專以傳受爲宗。妄說六門見性。指四大色身。以爲佛體。自以三十六關七十二信。捏合恠事。誑惑善人。妄謂這邊肉動某人來。那裏疼痛某事。至吉凶禍福。言是先知。愚者得聞。將謂佛法靈感。傾心諦信。布施供養。傳此邪言。切切記心。未嘗暫捨。殊不知一眞佛性。清淨湛然。爲有妄身。乃有妄識。蓋覆本性。不見光明。一念心空。名爲悟道。故楞嚴云。知見立知。卽無明本。知見無見。斯則涅槃。是故祖師立教。但以念佛三昧爲正宗。未嘗有毫髮許實法。繫綴於人。何期蚩蚩薄俗。迷宗昧旨。棄忠

蓮宗寶鑑卷十
孝而不履背仁義而不修。假蓮宗之名行差別之法。貪求冥感。以奇怪惑人。則有邪魔魍魎附人身體。撓亂正信。盡遭魔攝。可不悲哉。大凡修淨業人。善察邪正。本分究心。確辨信誠。憶佛念佛。願生淨土。慎勿他求。智覺壽禪師云。莫摘枝苗。須搜祖禰。豁爾而無明頓開。湛然而情塵自洗。可謂直截根源。佛所印。摘葉尋枝。我不能。

破妄說災福

正論五

夫佛祖正法。以本性彌陀爲體。念佛信願爲宗。自行化他爲用。乃佛祖之格言。後人之龜鑑。凡曰音聲

事。點燭道場。蓋是方便法門。以之引權歸實耳。比來學者。迷失宗旨。貪着事相。不遵教典。向外妄爲。心眼不明。競稱師長。實法門中一弊事也。或搜鬼竅。有若師巫。或稱彌勒下生。或言諸天附體。或向燭光上見神見鬼。或在香烟上斷吉斷凶。瞞昧三光。欺賢罔聖。誑諄閭閻。邀求利養。及乎問他平實行願。杜口無言。本性彌陀。罔知下落。熱亂一生。盡是虛誑。誤人自誤。實可悲哉。故楞嚴經云。善男子。心愛懸應。爾時天魔。候得其便。飛精附人。口說經法。許露人事。不避譏嫌。口中好說。未然禍福。及至其時。毫髮無失。是人愚迷

惑爲菩薩親近供養。破佛律儀。潛行貪欲。此名慳劫精魅。大力鬼神。年老成魔。惱亂是人。不覺魔着。謂言證聖。厭足心生。去彼人體。師及弟子。俱陷王難。汝當先覺。不入輪迴。迷惑不知。墮無間獄。嗟乎。初心善人。不知真僞。信彼邪說。不務存心積德。妄想求福。見之謬焉。吾聞積善之家。必有餘慶。積不善之家。必有餘殃。故知吉凶禍福。繫乎人心。烏可諂求富貴。而苟免禍害哉。永明壽禪師云。惡從心起。如鍊孕垢。而自毀鍊形。善逐情生。如珠現光。而還照珠體。故吾勸諸善人。舉心用事。必擇道而行之。擇禮而從之。擇友而交之。擇里而處之。擇師而事之。兢兢焉而存心。戰戰焉而守節。念念不昧。無失於順天之道。以奉西方之教。而其觀燭談禍福。不與焉。

辯明空見

正論
六

空者。破諸有也。大覺世尊。開示正法。欲令一切人。識知世間萬法皆空。自悟本性之真空也。真空者。是如來之法界。衆生之本性。空而不空。有而不有。悟之者。於不有中。運出自家寶藏。探之無窮。用之不盡。謂之一乘妙道。非頑空之空也。今有一等愚人。一向說空。撥無因果。步步行有。口口言無。便道飲酒食肉。不礙

苦提。行盜行姪。無妨般若。縱橫放曠。馳逞顛狂。謗佛
謗經。輕毀一切。胡揮亂統。以當宗乘。欺侮聖賢。自稱
得道。如此者。滔滔皆是也。永嘉所謂。豁達空。撥因果。
莽莽蕩蕩。招殃禍。非斯類而何耶。又楞嚴經云。心若
着空。則有大力。空魔入其心腑。其人不知。是其魔着
口說經法。潛行貪欲。輕毀經像。惑亂是人。盡遭邪墜。
魔心生厭。去彼人體。師及弟子。俱陷王難。命終自爲
魔家眷屬。受魔業盡。墮無間獄。嗟乎。去聖遠微。言絕
異端起。大義乖。不着於有。則蕩於空。着於有。則執名
相。滯有爲。固物我。泥怨親。縛於近教。喪於遠理。蕩於

空者。則迷因果。混善惡。棄戒律。背禮義。蓋不知中道
之爲至善也。或曰。何謂中道。曰。有亦不着。無亦不空。
空不離有。有不離空。怨親等焉。物我齊焉。因果明焉。
善惡分焉。戒律用焉。禮義修焉。近教通焉。遠理至焉。
大矣哉。中道也。妙萬物之名乎。稱本性之謂乎。苟達
斯理。則不墮於偏。是謂得正。受念佛三昧者矣。

辯一合相 正論

金剛經云。如來說一合相者。卽非一合相。是名一合
相。良由世人一性昏迷。與塵境相合。卽非一合相。智
者明見自己真心。背塵合覺。一念覺心。與十方諸佛

真空法界相合。卽是一合相理也。永嘉云。我性同共。如來合。但凡夫不悟此理。貪着事相。妄自堅執。情心意識。與山河大地。墻壁瓦礫相合。昧却理性之真空。卽非也。六祖云。心有所得。卽非一合相。心無所得。卽是一合相是也。今有愚人。不識佛法。坐吾教中。妄說夫婦是一合相者。誤矣。蓋其情生智隔。想變體殊。業累殃深。背因昧果。曲解聖典。毀辱教門。淨業正宗。豈容是說。真實修行之士。切宜堅秉正信。專念彌陀。於一念中。不取於相。內心外境。了了一如。自然冥附。眞理是也。故佛果勤禪師示衆云。汝等諸人。但向十二

時中。上不見有諸佛。下不見有衆生。外不見有山河大地。內不見有見聞覺知。好惡長短。打成一片。一一拈出。更無異見。此則一合相理。歷然明矣。可謂日可冷。月可熱。衆魔不能壞。眞說實履道之通衢。乃悟宗之正訣。

辯明雙修

正論六

雙修者。修福修慧也。教云。修福不修慧。象身掛瓔珞。修慧不修福。羅漢應供薄。福慧二莊嚴。乃能成正覺。古德云。福不得不作。慧不得不學。龍舒云。修淨土者。雖專以念佛爲行門。亦須福慧兼修。庶得事理兩融。

也。內則修慧。究竟涵養。深徹淵源。使慧性增廣。含虛空界。無所不知。無不照了。外則修福。慈悲方便。尋和善順。利濟世間。見一切人。平等恭敬。隨機說法。教化衆生。行一切善。此是福慧雙修也。今有一等愚人。常行異教。詐稱蓮宗弟子。妄指雙修。潛通姪穢。造地獄業。迷誤善人。沉迷欲樂。甘墮險坑。豈不謬乎。是真狐魅妖精。何異畜生類也。楞嚴云。若諸衆生。其心不姪。則不隨其生死。汝修三昧。本出塵勞。姪心不除。塵不可出。縱有多智。必落魔道。上品魔王。中品魔民。下品魔女。諸修行人。先斷姪心。是名如來。先佛世尊。第一決定。清淨明誨。若不斷姪。修菩提者。如蒸砂石。欲其成飯。經百千劫。終不名飯。汝以姪身。求佛妙果。縱得妙悟。皆是姪根。根本成姪。輪轉三塗。終不能出。如來涅槃。何路修證。必使姪機。身心俱斷。斷性亦無。於佛菩提。斯可希冀。如我說者。名爲佛說。不如此說。卽波旬說。今勸在家菩薩。依戒修行。勿犯邪非。清心寡欲。雙修福慧。回向西方。龍舒云。修福又修慧。深信念阿彌。當生上品。決定更無疑。其或不然。欲飯蒸砂。徒費力。擔柴入火。定殃身。

辯明三車

正論九

法華經譬喻品云。若有衆生。從佛世尊。聞法信受。慇懃精進。求一切智。佛智自然智。無師智。如彼諸子。爲求牛車。出於火宅。故知衆生喻諸子。三界喻火宅。三乘喻三車。如來見衆生。在三界中。不得出離。說三乘法。引令離苦。譬如諸子。在火宅中嬉戲。長者以三車引之令出也。有等愚人。假說文殊問佛妄稱性是牛車。心是羊車。意是鹿車。又云。牛車載妙法。羊車載華。鹿車載經。所謂醍醐上味。爲世所珍。遇斯人等。翻成毒藥。夫法華經者。諸法之王。佛所護念。其可妄議哉。何期邪師謬見。以非爲是。以是爲非。法說非法。非

法說法。誑於人。謗於佛。毀於法。豈非負五逆之大罪乎。經云。若有誹謗是經典者。當知是人。入阿鼻獄。具足一劫。劫盡更生。如是展轉。至無數劫。從地獄出。當墮畜生。謗斯經故。獲罪如是。細思此等。哀哉。切心。研以忠言。痛告道友。於自己心中。開示悟入佛之知見。則此心清淨。如蓮華開。是謂之法華三昧。悟斯理者。是乘白牛車。出三界火宅也。又不見法達禪師見六祖大師。呈偈云。誦經三千年。曹溪一句亡。未明出世旨。寧歇累生狂。羊鹿牛權設。初中後善揚。誰知火宅內。元是法中王。於是曹溪六祖大師。乃說偈以證之。

云。心迷法華轉。心悟轉法華。誦久不明已。與義作讎家。無念念卽正。有念念成邪。若能如是解。長駕白牛車。是若有執迷不省自取沉淪者。吾末如之何也已矣。

辯明三關

正論

三關者。兜率悅禪師示衆語。一云撥草叅玄。只圖見性。只今上人性在甚處。二云識得本性。要脫生死。生死到來。作麼生脫。三云脫得生死。要知去處。四大分離。向甚處去。是故透此關者。則奚拘生死。徹此道者。豈礙去來。自是天下叢林。宿師大衲。靡不洞究淵源。

故能脫白露淨。其旨曉然。決無異說。今有愚人。妄指人身三丹田。作內三關。教人搬運氣血。謂之透過三關。又曰。自足至腰。三處疼痛。爲外三關。妄以此處。要定臨終時節。世多傳習。盡入邪路。詳觀念佛之教。乃簡徑法門。祇令修行人。於十二時中。持一句阿彌陀佛。思專想寂。更能回光自看。阿那箇是我本性。彌陀四大分離。向甚處去。常有此疑。驀然識得。便知落處。卽此是直捷省力底。修行正道。捨此之外。稍涉一毫異說。卽墮在邪見林矣。嗚呼。癡人背真向僞。良可憫焉。若也於斯信得。截斷露布葛藤。豁開透地通天眼。

蓮宗寶鑑卷十
觀破邪思妄想心

辯明大小二乘

正論十一

原夫大法王之垂化也。統攝羣品。各有司存。小律禮刑之權。大乘類均衡之任。營福如司於漕輓。製若掌於王言。在國家之百吏咸修。類吾教之羣宗。演果明此旨。豈執異端。應須量已。才能隨力。演布達則兼濟爲善。窮則專門是宜。雖各播於宗猷。而皆處於慈濟。同歸和合之海。共坐解脫之床。夫如是。則迷途之司南。教門之木鐸也。奈何源遠流別。大道澆漓。好朱者憎其素。愛甘者惡其辛。未契圓宗。各權

又豈知生佛本一。凡聖性均。而不能自復者。由迷昧於身心。致籠檻於生死。是知身之過惡。非戒律不能檢。心之昏散。非定慧不能融。檢之融之。尙慮乎道之不明。性之不復。況埋沒於邪岐。而互相是非也耶。或云我學小乘。却又不識戒施禮誦。是漸修之法。或言我學上乘。却又不識本性彌陀。唯心淨土之旨。不着於事相。又墮於頑空。大似深村草裏。生盲之人。坐在一隅。不知東西南北。妄生分別。是是非非。非是是非。所謂執着死蛇頭。錯路修行者。在穢惡。則無所聞。然於行解不見可畏。以至積習成性。自滅其身。始學慕

蓮宗寶鑑卷十
於上賢終見沉於下惡。如斯之輩。誠可哀哉。永明壽禪師云。譬如庭雀。焉攀鴻鵠之心。還似井蛙。豈測滄溟之濶。或徇他求。如鑽水而覓火。但歸已解。猶向乳而生酥。慎勿立我慢幢。張邪見網。輕侮先覺。熒惑後人。至哉斯言也。昭昭乎。天日在上。蕩蕩乎。佛祖有靈。奉教之者。可不懼乎。但能信念彌陀。可以免斯過咎矣。

辯明不生不滅

正論十二

般若心經云。是諸法空相。不生不滅。不垢不淨。不增不減。是故空中無色。無受想行識等。又維摩經云。不

善不生。善法不滅。故知色相有去有來。佛性不生不滅。今有愚人。妄以不產後嗣爲不生。不斷欲心爲不滅。駭世恠言。惑人妖祟。密互邪姪。作不淨行。斷佛種性。悖亂人倫。故楞嚴云。善男子。愛極發狂。熾然貪欲。則有欲魔。入其心腑。一向說欲。爲菩提道。化諸白衣。平等行欲。疑誤衆生。入無間獄。蓋以愚迷。不知觸淨。不覺遭魔。以致斯苦諦。觀天地肇分。有陰陽而有男女。有男女而有夫婦。有夫婦而有父子。有父子而有君臣。有君臣則有三綱五常之道。三綱統其人倫。五常正其教化。此聖人立世間之法也。吾祖遠公有云。

蓮宗寶鑑卷十
在家者厚身存生。我剷未忘。以情欲爲苑囿。以聲色爲游觀。耽湎世樂。不能特出。吾佛示化。令反本以宗。在家奉法。則是順化之民。不遺奉親敬君之禮。故先導之五戒。不殺存乎仁。不盜存乎義。不姪存乎禮。不妄存乎信。不酒存乎智。身心既律。然後示之以出世之法。令修念佛三昧。以爲西方之歸。達乎不生不滅之道。是以王臣外護。法流天下。千載猶一日。少其奈當斯之際。薰蕕共囿。菽麥同畦。未易分也。敢以衷赤之忱。普告信士。但除却一心不亂。繫念彌陀之外。凡所有相。皆是邪解。切須仔細。眞實修行。善則從

之。惡則遠之。邪則遣之。正則守之。若乃立身行道之事。息心達本之旨。前篇備述。明則典刑。不爲不多矣。遵而行之。則吾門眷屬。違而作者。魔之黨類。所以生遭王法。死墮阿鼻。殃及累世。莫言不道。何故。嚮欲得不招無間業。莫謗如來正法輪。

辯明曹溪路

正論
十三

昔永嘉大師往曹溪。禮拜六祖。印證心地。述證道歌云。自從認得曹溪路。了了生死不相干。是言天下禪宗。出乎曹溪之源。目曰曹溪路也。何期愚人。妄指人身。有夾脊雙關。作曹溪一派。又妄說六祖云。寧度白

衣千千萬。不度空門半個僧。如斯之輩。非特惑於後人。是亦誣於先聖。豈不聞永嘉云。第一迦葉首傳燈。二十八代西天記。佛法東流入此土。菩提達磨爲初祖。六代傳衣天下聞。後人得道無窮數。又豈有度白衣。而不度空門乎。於戲邪妄之徒。不知來歷。竊祖師之名。同魍魎妖孽見解。迷誤善人。正是一盲引衆盲。相牽入火坑也。吾知祖師實德。是以稱而傳之。吾知闡提薄福。謗辱吾宗。是以恐而懼之。吾尙知而大懼。汝謗聖師之道。誑後學之人。安得不益懼於吾乎。汝速宜磨滅改而正之。無貽我羞之爲愈也。

辯佛法隱藏

正論十四

佛法者出世間之道。無爲之法也。涅槃經云。如來開發顯露。清淨無翳。迷者不解。謂是秘藏。智者了達。卽不名藏。有等愚人。妄說官法堂堂。佛法隱藏。僞撰一落索邪言。閉門傳度。謂之生死奧典。幻惑後人。至死不與人說。逗到臨時。一場漏逗。大似貧兒得錫。喚作黃金。明眼人前。如何拈出。自不知非。反誇能會。正是瞞人更自瞞也。豈知佛說一切法。爲度一切心。蓋以衆生心體本來是一。用處不同。故說一切法也。祖師云。瓶盤釵釧。本是一金。名相不同。至體無二。嗟乎。末

運法出奸生。往往失其本體者。多是將新羅漆。高麗
鍤。間貨錯出。巧言令色。瞞昧世人。一偽既行。百真莫
辯。況愛小利者。上人鋪席。不揀好惡。苟圖價廉好看。
易得等閒。被他將一團灰炭。塞却眼孔。拖向黑地車。
脫換去了。及至眼開。握着黃土也。認不得。又何金鍤
真偽之辯哉。癡人但得入手。貴乎密密珍藏。以爲奇
貨。生怕人知。驀然撞着識者。爲伊點破。始知分文不
值。以斯之類。比比皆是。只爲愚暗福薄。眼裏無觔。心
鹵莽。兼以不遇真正師匠。以致然也。殊不知繞指
精金。從本來有。自非作家陶鎔。痛下鉗錘煅鍊。一回

轉見性柔金瑩。燦然一塊。觀體全真。然後隨意作用。
造成衆器。飛光散彩。耀人心目。永無變色者。固知自
餘皆不足言矣。可不至寶哉。正信道流。切宜着眼。

辯明超日月光

正論十五

夫阿彌陀經云。阿彌陀佛。光明極大。而爲諸佛光明
之王。故號無量光佛。無邊光佛。無礙光佛。無對光佛。
炎王光佛。清淨光佛。歡喜光佛。智慧光佛。不斷光佛。
難思光佛。無稱光佛。超日月光佛。其光明所以照無
央數天下。幽冥之處。皆常大明。諸天人民。禽獸蜎飛。
蠕動。見此光明。莫不喜悅。而生慈心。悉得解脫。是故

十方諸佛菩薩緣覺聲聞悉皆稱讚因名曰超日月
光佛蓋以日能照晝月能夜明其德不全佛之光明
晝夜常照無虧無欠故名超日月光也今有一等愚
人妄指教人於日月初出之時以口吸採其光吞嚥
入腹欲其成寶以當修行秘法謂之超日月光者其
錯大矣譬如癡猿聯臂攀樹懸崖下捉水月勞心費
力到底成空若是智人達觀速須捨離早求正法免
墮迷津專念彌陀究明心地不見祖師道從門入者
不是家珍自己靈光照天燦地人人分上本是圓成
一點靈源無內無外頭頭上顯物物上明若能悟此

卽如來一段光明超日月

辨明髻中珠

正論
十六

髻中珠者法華經云如轉輪王得法國土王於三界
而諸小王不肯順伏時轉輪王起種種兵而往討伐
戰有功者賞賜諸物獨王頂上有此一珠而不與之
末後付與如來亦復如是見賢聖軍與五陰魔煩惱
魔死魔共戰滅三毒出三界破魔網爾時如來亦大
歡喜爲說諸法而不爲說是法華經今乃說之如轉
輪王久護明珠末後賜與此蓋世尊最後說是大乘
法寶超出諸聖之上以輪王髻珠爲喻此珠者卽諸

佛之圓智。乃衆生之理性。悟之則三祇頓越。迷之則六道沉淪。今有一等愚人。錯會經旨。妄以運氣入頂。作髻中珠。謂之最上乘法。密密相傳。教人搬精運氣。衝入頭頂。要學世尊頂上有肉髻珠。何其愚哉。殊不知世尊肉髻。乃無見頂相。表一乘大法也。無見者自不能見。離自見故。向上極則。諸聖皆不得見。離他見故。壽禪師心賦云。高高法座。非聲聞燈短之能升。赫赫日輪。豈外道嬰兒之所見。無偏無黨。至極至尊。嗟乎。愚癡之人。罔知正法。顛倒錯亂。嫁禍移殃於後人。賺他向善俗子。墮落深坑。可痛惜哉。奉勸信士。細參

本教。恪心念佛。悔悟前非。了知諸法。本無髻珠。自然顯現。堂堂獨露。豈假他求哉。

辯明無漏果

正論十七

法華經云。諸漏已盡。無復煩惱。此乃羅漢聲聞修行。至習漏俱無也。無漏者。蓋人之六根。常爲色聲香味。觸法六塵所惑。心隨境轉。成有漏緣。所以輪迴不息。若行人六根自靜。不被六塵所轉。卽無漏也。今有一等愚人。妄將眼眇鼻涕。盡皆喫了。謂之修無漏者。何其妄哉。予嘗憫而問之曰。六根四大。膿血之袋。屎尿之窟。眇淚涕唾。皆屬不淨。何得取而食之。彼則曰。人

蓮宗寶鑑卷十
身之中。有七寶不可棄之。善收拾者。結成舍利。證無漏也。苦哉苦哉。如斯顛倒。誠可忍耶。更有一等衆生。以秘精是無漏者。混吾教中。遞相傳習。潛饕貪欲。壞亂正法。此是妖精鬼恠。夜聚曉散。喫菜事魔之徒。非是蓮宗之弟子。比年以來。多有此樣。扇動人家。清信男女。不覺不知。鼓入魔道。故楞嚴經云。善男子。心愛根本。窮覽物化。天魔得便。飛精附人。說佛涅槃。卽是現前肉身。父父子子。遞代相生。常住不絕。無別淨居。愚人信受。亡失本心。惑爲菩薩。嘗說眼耳鼻舌。皆爲淨土。男女二根。卽是菩提。或食屎尿。廣行姪穢。彼無

知者。信是穢言。易入邪悟。此名蠱毒。惡鬼惱亂。是人師及弟子。俱陷王難。汝當先覺。不入輪迴。迷惑不知。墮無間獄。受得地獄業消。復入畜生餓鬼。今觀邪師。妄作之徒。假吾佛祖之教門。造不淨之惡業。逆二儀。背三光。謗佛祖。亂人倫。碌碌如蠅蛆之逐穢。現受衆苦。沒後沉淪。是罪果何逃哉。宜乎不足恠也。非惟死後受報。抑且官法不容。語云。道之以政。齊之以刑。民免而無恥。道之以德。齊之以禮。有恥且格。誠哉是言。今勸善流。諦觀聖訓。宜自知恥。勿憚改過。捐情絕慮。正已修行。有能古教照心。則其心自明。古鏡照妖。則

蓮宗寶鑑卷十一
其妖自形。若專於淨行。越於菩提。決無誤矣。其或不
然。三塗業海無邊際。千佛出來難救伊。

辯明趙州茶

正論
十八

昔趙州和尚見僧問曰。汝會到此不。僧曰。會到。州云。喫茶去。又問僧云。會到此不。僧云。不會到。州云。喫茶去。院主問。會到且從。不會到如何也。喫茶去。州乃喚院主。主應諾。州云。喫茶去。叢林因此有趙州茶話公案。今愚人不明祖師大意。妄自造作。將口內津唾灌漱三十六次。嚙之謂之喫趙州茶。或有臨終。妄指教人。用硃砂末茶點一盞喫了。便能死去。是會趙州機

關。更可憐憫者。有等魔子。以小便作趙州茶。何愚惑哉。非妖恠而何耶。真正修心者。但依本分念佛。期生淨邦。切不可妄將祖師公案。杜撰穿鑿。是謗大般若之罪人也。不見道。乍可粉身千萬劫。莫將佛法亂傳人。

辯明教外別傳

正論
十九

圓悟勤禪師云。西方大聖人。出迦維羅國。作無邊量妙用。啟迺羣靈。其方便順逆開遮。餘言遺典。盈溢寶藏。以至下梢。始露一機。謂之教外別傳。迦葉破顏。承當以來的的綿綿。直指人心。見性成佛。不立階梯。不

蓮宗寶鑑卷一
生知見利根上智。向無明窟子裏瞥地。煩惱根株中活脫。應時超證得大解脫。西天四七。東土二三。皆龍象蹴踏。師勝資強。格外領畧。當下業障水消。直截承荷。自能管帶。打作一片。頓契佛地。尙不肯向死水裏浸。却唱出透玄妙句。超越佛祖。剗斷露布葛藤。如按太阿。凜凜神威。阿誰敢近。作家漢。確實論量。纔有向上。向下談玄。說妙作用。纖毫即便叱之。謂不是種草。直下十成。煨煉得熟。履踐得實。始畧放過。猶恐他時異日。落草累人。瞎却正眼。嗟見一等拍盲野狐種族。自不曾夢見祖師。妄言達磨歸空。謂之傳法救迷情。

以至借他從上最大宗師。馬祖趙州名目。脫賺後人。及誇初祖隻履西歸。普化空棺。皆謂此術有驗。謂之形神俱妙。生死秘法。遞相傳習。而人皆厚愛此者。生怕臘月三十日。惺惺競學歸程之法。除夜拜影喚主人。公。真是誑諱閭閻。捏偽造窠。貽高人。謬鄙。復有一種假托達磨胎息。趙州十二時別歌。龐居士轉河車。須遞互指受。密付傳持。希望生天。更要預知死日。殊不知此真妄想。邪心愛見。本是善因。反招惡果。多見豪傑之士。高談濶論者。不知宗因。往往信之。那知失却故步。畫虎成狸。遭明眼人覷破。默觀憐憫。豈諸佛

蓮宗寶鑑卷十
與列祖體裁止如是耶。曾不自回照。始末居然可知矣。海內學此者。如麻似粟。習以成風。恬不知恠。其高識遠見。自不因循。恐乍發意。未入闡奧。立志雖專。跋涉雖遠。遇增上慢。導入邪見。稠林末上一錯。永沒回轉。其流浸廣。莫之能遏。因出此語。以痛告之。庶有志願於大解脫。大總持者。可以辨之。而同入大薩婆若海。汎慈舟。接濟羣品。俾正真妙道。流於無窮。豈不快哉。

辯關閉諸惡趣門。開示涅槃正路。

正論二十

諸惡趣門者。乃身口意三業也。所謂身殺盜淫。口妄

言綺語惡口兩舌。意貪瞋癡修淨業人。正心向道。截斷已上十不善行。則不入惡道。謂之關閉諸惡趣門也。開示者。指出也。涅槃者。不生不滅也。正者。不偏路也。卽西方之道也。今有愚人。指口爲諸惡門。鼻爲涅槃門。教人臨終時。緊閉其口。令氣從鼻出。謂之出門一步。又妄將囡字以爲公案。教人口裏着力。忍了氣。透這一關。或云囡字四圍。是酒色財氣。或言地水火風。或言生老病死等。皆是卜度。妄計曲說。嗟乎。這一箇囡字。瞞盡多少人。殊不知此字。玉篇明載。戶卧切。卽阿字去聲呼也。此箇囡字。一切世人口中。未嘗不說。

蓮宗寶鑑卷十
喻人失物。人忽然尋見。不覺發此一聲。是因字也。宗門多言此字者。蓋尋師訪道之人。參究三二十年。忽然心花發現。會得此事。不覺因地一聲。如失物得見。慶快平生。是其字義也。如是則念佛之人。但於念念中。仔細究竟。本性彌陀。忽然親悟親見。真實到因地一聲處。自然明徹矣。故智覺壽禪師云。心外求法。望石女而生兒。意上起思。邀空花而結果。本非有作。性自無爲。智者莫能運其意。像者何以狀其儀。言語道亡。是得路指歸之日。心行處滅。當放身捨命之時。可謂唯此一事實。餘二卽非真。

辯明四生

正論一
十一

大珠慧海禪師云。九類衆生。一心具足。隨造隨成。無明暗蔽。爲卵生。煩惱包裹。爲胎生。愛水浸潤。爲濕生。歛起妄念。爲化生。悟卽成佛。迷號衆生。菩薩只以念念心爲衆生。若了心體空寂。名爲度衆生也。智者於自本際上。度於未形。未形旣空。卽知實無衆生得滅度者。有等愚人不識自心。胡卜亂度。妄說臨終之時。眼見轎馬樓臺。幡蓋饒鉢之類。爲四生六道胎窠。不隨他去者。脫四生也。殊不知臨終現境。是你平日所作善惡業相。神識自現。卽非外來。故先德云。作惡而

惡境現前。念佛而佛界自至。若是時中。把捉不住。做不得主。常被妄想顛倒所使。臨當風火散壞之時。如落湯螃蟹相似。又焉能作主宰耶。是以圭峯禪師云。作有義事。是惺悟心。作無義事。是狂亂心。狂亂隨情念。臨終被業牽。惺悟不由情。臨終能轉業。今以此語直告諸人。當自念言。我今修行淨業。本為生死。佛祖垂教。豈欺我哉。當依正法。真實存心。專念彌陀。捨諸虛妄。朝思夕想。念念願生西方。如此則塵勞業識。當下瓦解冰消。反觀自己生死。尚不可得。又喚甚麼作眾生乎。故懺云。於一念中。得念佛三昧。普度十方六

道一切眾生。各各出離苦輪。同生淨土者。是也可謂妄心無處。即菩提。生死涅槃本平等。

大論破妄立十號

正論二

直論人亦良哉

西方文云。念佛之人。於相好光明之中。得見阿彌陀佛。則無明頓破。煩惱永忘。法界之門。忽然通達。一乘之路。卓爾開明。十號俱彰。三身圓顯。此明修行人。得證佛果。十號俱彰也。十號者。菩薩戒經云。一曰如來。無虛妄。二曰應供。良福田故三曰正徧知。知法界故四曰明行足。天眼智明宿命智明五曰善逝。不來還故六曰世間解。無漏盡智。明具三。明故。七曰調御丈夫。能調伏眾生惡故

八曰天人師

為衆生作眼目故

九曰佛

知善不善法聚非善非不善法聚故

曰世尊

一土之中無二佛故

何期愚人不知佛法妄立十號歸

程稱為達磨大師傳來生死秘法却云鵲巢灌頂蘆芽穿膝玉柱麤混蛇入袈裟波斯獻寶天鼓不鳴蓮花池乾二祖斷臂立雪齊腰神光不現以此十件謂之大事因緣往往蓮宗被此等盲師瞎漢遞相傳授賺人性命從冥入冥陷於非道何不思之甚也達磨大師初至此土不立文字直指人心見性成佛又安得有一法傳授乎豈不聞五祖弘忍大師謂六祖曰佛卽以心傳心法卽以心印心佛佛惟傳本體師師

密付本心是也莊子云使道之可傳人莫不傳之子孫道之可獻人莫不獻之君親其不可傳獻者無他中無主而外無其證也又嘗聞我佛釋迦世尊于生煉行百劫修心迺從兜率降跡王宮棄萬乘榮貴向雪山修行飡麻食麥苦行六年覩見明星悟道成佛人中聖中稱為大覺十號具足作人人師至於鵲巢頂上蘆芽穿膝之類皆當年實事初無表法止是端坐不動定久忘形之意後之學者不近智達不體我佛建立教門大不容易纔得入他門戶行願不習識見俱無便要為師傳度弟子做大模樣逞我能會撞

入邪魔黨類中學他許多邪法雜毒入心如落水鬼相似黑地裏拖人入地獄去苦哉苦哉且如二祖斷臂立雪齊腰的是當時爲法忘軀猛烈之志本傳備載分明學者自當詳究豈可妄爲甘受謗法之罪永沉苦海之誅永嘉云非不非是不是差之毫釐失千里是則龍女頓成佛非則善星生陷墜信麼盡情掃蕩閑家具鐵樹花開別有春

中藏誓願流通

正論二

又嘗問世間野狐禪世尊于坐

切惟最初一念元從淨土中來汨沒多生未脫娑婆世界幸逢蓮社得遇正宗仰藉三寶餘麻感沐

化育伏爲教門之下多有錯路修行嗟信心盡是魔民致良善俱遭邪墜正因泯絕慧命難存反招謗法深憊豈有誦持功德觀斯境界以長吁痛切身心而不忍是乃搜大藏之要旨用證本宗掃百家之是非開明大道並是依經辨理顯正摧邪照了無私故名寶鑑俾夫後學照心目而妍醜自知導彼迷途達家鄉而免諸流浪是集克就鄙志當陳百拜祖庭重申大誓告白十方諸佛諸大祖師望賜慈光證明祈禱普度敬自發心立願照依所集蓮宗寶鑑篇字數一字三禮每一禮念楞嚴咒心一遍三稱南無觀世音

蓮宗寶鑑卷十
菩薩尊號。望悲心而憐憫。賜法力以冥加。俾魔以以
皈依。冀真乘之流布。與彼盲冥。開眼目於諸病。苦作
良醫。昏衢黑暗之中。爲燈爲燭。苦海洪波之內。爲舟
爲航。危險處作大橋梁。迷路中示其正道。普爲十方
蓮社。諸上善人。同期懺滌於身心。各願消除於業障。
非法說法之咎。法說非法之憊。一智能滅萬年愚。一
燈能破千年暗。妄意消而空花滅。正信生而淨行彰。
信禮彌陀。普同回向。與諸大衆。並從今日。發菩提。盡
於未來永劫。常行菩薩道。離非梵道。遠邪見師。願盡
此報身。同生安養國。常修六念。及六波羅。廣運四心。

與四弘誓發四十八願。如阿彌陀。得念佛三昧。如大
勢至。修普賢之行願。等觀音之慈悲。學大智慧。如文
殊。次登補處。如彌勒。頓入法界。圓證上乘。分身徧至
於十方。大悲普度於一切。建法幢。立宗旨。耀慧日。除
癡冥。諸魔外道。悉歸降。匝地普天。皆嚮化。辯才無礙。
廣利塵沙。威德無邊。拯濟含識。父母師長。俱登解脫
之門。累劫怨親。盡出沉淪之海。伏望觀是集者。起獲
法心。蕩歷劫之迷情。破千重之疑網。頓豁正眼。明悟
本心。淨土道場。不動足到。西方大聖。如對目前。萬法
了然。妙在茲也。惟冀天龍歡喜。聞正法以護持。凡聖

皈依掃邪風而絕迹。弘揚祖道。廣播宗風。融大千同
爲清泰之邦。俾四海共樂無爲之化。正見邪見盡入
無生。

皇恩

佛恩。一時等報。虛空界盡。衆生界盡。衆生業盡。衆生
煩惱盡。我願乃盡。而虛空界。乃至衆生界。煩惱不可
盡故。我此願王。無有窮盡。念念相續。無有間斷。身語
意業。無有疲厭。普賢菩薩發願如是。諸大祖師發願
亦如是。我今發願亦如是。普爲蓮社大眾發願亦如
是。盡未來際。一切情與無情。發願亦如是。如是如是。
無不如是。願同如是。恒沙衆盡入如來願海中。

廬山蓮宗寶鑑卷十

後跋

優曇和尚所著寶鑑一書。深談惟心上。接利根下。迨
稱名三根。普攝誠闡揚淨業之大觀也。其後雲栖作
彌陀疏鈔。專發持名。然以理事一心而歸結至一心。
不亂理。卽唯心事。卽稱名一心。不亂造其極也。此二
書不覺遙遙冥合。淨業行人所宜兼覽。疏鈔吾吳已
鏤新板。而寶鑑未有重刊。癸未秋。眉山居士小憇竹
窻邊。水雲上人亦在座。語及寶鑑。居士輒許手書而

上人亦樂與校訂澈欣然曰君等各占善緣而興是舉吾奚辭焉於是募資召工而重鐫之是書成誠淨業之明證末法之寶笈也

瑪瑙寺經房居士陳春發助洋十七元敬刻第

十卷

光緒五年夏月淨業弟子妙能性本全募刻

釋子授覺校正

蘇山叢書寶鑑卷十

無不皎然同味長計妙果盡入味來

